



Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-04-02-32187/20
Sarajevo, 02.09.2020.godine

SKUPŠTINA KANTONA SARAJEVO
gosp. Mirza Čelik, predsjedavajući Skupštine Kantona Sarajevo

PREDMET: Odgovor na zastupničko pitanje zastupnice Neire Dizdarević, dostavlja se –

VEZA: Vaš akt, broj: 01-04-32187-53/20 od 26.08.2020. godine

Na 28. Radnoj sjednici Skupštine Kantona Sarajevo, održanoj dana 20.08.2020.godine, u okviru tačke Dnevnog reda "Poslanička/zastupnička pitanja, inicijative i odgovori", zastupnica Neira Dizdarević je postavila zastupničko pitanje kako slijedi:

"Molim Ministarstvo pravde i uprave KS, te Ured za borbu protiv korupcije i upravljanje kvalitetom KS da mi pojasni koji javni organ je prema važećim zakonskim propisima dužan prijaviti krivično djelo nadležnom tužilaštvu kada Ured za borbu protiv korupcije i upravljanja kvalitetom KS u svojim redovnim aktivnostima otkrije djelo koje ima obilježje krivičnog djela."

S tim u vezi, Ministarstvo pravde i uprave dostavlja sljedeći odgovor :

U vezi zastupničkog pitanja, ističemo da je članom 2. Uredbe o osnivanju Ureda za borbu protiv korupcije i upravljanje kvalitetom Kantona Sarajevo („Službene novine Kantona Sarajevo”, br. 7/18, 21/19, 5/20) između ostalog propisano da Ured vrši stručne, operativne i administrativno tehničke poslove u vezi sa provođenjem Zakona o prijavljivanju i postupku provjere podataka o imovini nosioca javnih funkcija u Kantonu Sarajevo, te aktivnostima na prevenciji korupcije, kao i prikupljanju podataka i *prijavljivanju nadležnima uočenih koruptivnih aktivnosti u Kantonu Sarajevo.*

U članu 18. stav (5) Zakona o prijavljivanju i postupku provjere podataka o imovini nosioca javnih funkcija u Kantonu Sarajevo („Službene novine Kantona Sarajevo”, broj 18/19) propisana je dužnost Ureda da u slučaju nesrazmjera između prihoda i imovine, kao i u slučaju osnova sumnje u istinitost podataka i zakonitost načina na koji je imovina stečena, o tome obavijesti nadležno tužilaštvo, odnosno druge nadležne organe, uključujući, ali ne ograničavajući se na porezne organe i Finansijsko obavještajnu jedinicu SIPA-e.



Napominjemo, da je u članu 228. Zakona o krivičnom postupku u Federaciji Bosne i Hercegovine („Službene novine Federacije Bosne i Hercegovine“, br. 35/2003, 56/2003 - Ispravka, 78/2004, 28/2005, 55/2006, 27/2007, 53/2007, 9/2009, 12/2010, 8/2013 i 59/2014) propisano da službene i odgovorne osobe u svim organima vlasti u Federaciji, javnim preduzećima i ustanovama i drugim pravnim licima su dužne prijaviti krivična djela o kojima su obaviještene ili za koja saznaju na koji drugi način te da će u takvim okolnostima, službena ili odgovorna osoba preduzeti mjere da bi se sačuvali tragovi krivičnog djela, predmeti na kojima je ili pomoću kojih je učinjeno krivično djelo i drugi dokazi o njima i obavijestiti će ovlaštenu službenu osobu ili tužilaštvo bez odlaganja.

Obradila: Edina Karasalihović Salihagić



S poštovanjem,

Dostaviti:

1. Naslovu;
2. Ured za borbu protiv korupcije i upravljanje kvalitetom Kantona Sarajevo;
3. a/a.



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1

